



**Općina Stari Grad Sarajevo  
Općinsko vijeće**

**Municipality of Stari Grad Sarajevo  
Municipal Council**

Komisija za obrazovanje, kulturu i  
kulturno – historijsko nasljeđe

Broj:02-49-2019/19  
Sarajevo, 23. 05. 2019.godine

**SKUPŠTINA KANTONA SARAJEVO  
n/r Predsjedavajući**

Sarajevo, ul. Reisa Džemaludina čauševića br. 1

**Predmet:** *Obavještenje, dostavlja se,*

Poštovani,


Obavještavamo Vas da je na sjednici Komisije za obrazovanje, kulturu i kulturno – historijsko nasljeđe Općinskog vijeća Stari Grad Sarajevo, koja je održana 23. 05. 2019. godine, razmatrana Inicijativa, za davanje imena ulici Nerkesijina, po imenu “Braće Repovac” ( Muhameda i Bakira Repovac).

Nakon rasprave Komisija je, jednoglasno, usvojila sljedeći:

**ZAKLJUČAK**

1. Komisija za obrazovanje, kulturu i kulturno historijsko nasljeđe je razmotrila Inicijativu Nezavisnog poslanika u Skupštini Kantona Sarajevo, gospodina Damira Nikšića i Zaključak Komisije za obilježavanje, čuvanje i njegovanje historijskih događaja i ličnosti, a koja se odnosi na promjenu imena ulice Nerkesijina, za koju je predloženo da novi naziv iste bude “Braće Repovac” ( Muhameda i Bakira Repovac).
2. Komisija konstatuje da, prema odredbama Pravilnika o utvrđivanju kriterija, postupka i načina davanja i izmjene naziva ulica, trgova, parkova, mostova, institucija, ustanova, naselja i naseljenih mjesta na području Općine Stari Grad Sarajevo ("Službene novine Kantona Sarajevo" broj: 07/16), nisu ispunjeni uslovi za promjenu naziva navedene ulice.
3. Komisija dostavlja podnosiocu inicijative Pravilnik iz tačke 2. ovog Zaključka, sa obrascem za podnošenje inicijative za izmjenu naziva ulice, kako bi podnosilac inicijative mogao postupiti prema odredbama istoga.

**Predsjednik Komisije**  
**Erid Mušić**



Član 68.

Ugovori zaključeni sa Općinom Stari Grad Sarajevo, koji su u suprotnosti sa odredbama ove Odluke, uskladit će se sa istom u roku od šest mjeseci od dana stupanja na snagu ove Odluke.

Član 69.

Visina uložениh sredstava ne može mijenjati vlasničku strukturu poslovnog prostora.

Član 70.

Stupanjem na snagu ove Odluke prestaje da važi Odluka o dodjeli u zakup poslovnih zgrada i poslovnih prostora Općine Stari Grad Sarajevo – Prečišćeni tekst ("Službene novine Kantona Sarajevo", broj 43/15) i Odluka o rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", broj 2/07 i 32/11).

Član 71.

Ova Odluka stupa na snagu osmi dan od dana objavljivanja u "Službenim novinama Kantona Sarajevo".

Broj 02-49-62/16 Januara 2016. godine Sarajevo	Predsjedavajući Općinskog vijeća Stari Grad Sarajevo Vedran Dodik, s. r.
--	---

Na osnovu člana 25. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj 20/13) i člana 85. i 96. Poslovnika Općinskog vijeća Stari Grad Sarajevo ("Službene novine Kantona Sarajevo", broj 23/14), Općinsko vijeće Stari Grad Sarajevo je na svojoj 36. sjednici održanoj 28. januara 2016. godine donijelo

**PRAVILNIK**

**O UTVRĐIVANJU KRITERIJA, POSTUPKA I NAČINA  
DAVANJA I IZMJENE NAZIVA ULICA, TRGOVA,  
PARKOVA, MOSTOVA, INSTITUCIJA, USTANOVA,  
NASELJA I NASELJENIH MJESTA NA PODRUČJU  
OPĆINE STARI GRAD SARAJEVO**

Član 1.

Ovim Pravilnikom utvrđuju se kriteriji, postupak i način davanja i izmjene naziva ulica, trgova, parkova, mostova, institucija, ustanova, naselja i naseljenih mjesta (u daljem tekstu: davanje i izmjena naziva) na području Općine Stari Grad Sarajevo (u daljem tekstu: Općina).

Član 2.

(1) Inicijativu za davanje ili izmjenu naziva iz člana 1. ovog Pravilnika, mogu podnijeti:

- Komisija za obrazovanje, kulturu i kulturno-historijsko naslijeđe
- Općinski načelnik
- Općinski vijećnici
- Savjet mjesne zajednice
- Kulturne i javne institucije
- Organizacije, udruženja i druge pravne osobe
- Svaki punoljetni građanin u Općini
- Svi punoljetni građani ulice čiji se naziv mijenja (samo ukoliko se radi o nazivu ulice).

(2) Inicijativa se pokreće u pisanom obliku na propisanom obrascu (obrazac koji se može preuzeti u prostorijama mjesne zajednice, info pultu Općine, kao i na web stranici Općine). Propisani obrazac sadrži sljedeće podatke:

- a) Postojeći naziv (popunjava se ukoliko je naziv već dodijeljen)
- b) Prijedlog novog naziva
- c) Broj stanovnika (ukoliko se radi o nazivu ulice)
- d) Detaljno obrazloženje sa razlozima i relevantni dokazi za promjenu naziva
- e) Spisak stanovnika iz ulice kojoj se daje naziv ili se naziv mijenja, sa potpisima i brojem L.K. koji podržavaju inicijativu (najmanje 100 građana, odnosno nadpolovična većina građana u ulicama sa manjim brojem stanovnika).

Član 3.

Kriterije za izmjenu ili dodjelu novog naziva određuju se po:

- Geografskim pojmovima (npr. naziv po gradu, rijeci, toponimima sl.)
- Datumima vezanim za značajne događaje iz historije BiH.
- Imenima osoba koje su dale značajan doprinos u historiji BiH
- Imenima formacija, šehida i poginulih boraca iz odbrambeno-oslobodilačkog rata 1992-1995. godine (dobitnici najvećih ratnih priznanja)
- Imenima osoba koje su dale svoj doprinos u kulturnom, privrednom, društvenom, sportskom i naučnom razvoju BiH (osvojene nagrade)
- Prema ranijem, historijskom nazivu.

Član 4.

- (1) Inicijativa se podnosi Komisiji za obrazovanje, kulturu i kulturno - historijsko naslijeđe Općinskog vijeća Stari Grad Sarajevo,
- (2) Prilikom razmatranja inicijative iz stav (1) ovog člana, Komisija ocjenjuje da li i ista zadovoljava kriterije propisane ovim Pravilnikom, navedene u propisanom obrascu, te, ukoliko se radi o davanju ili izmjeni naziva ulice, može zahtijevati da Savjet mjesne zajednice sazove zbor građana radi izjašnjenja o prijedlogu ili od podnosioca inicijative (za bilo koje davanje ili izmjenu naziva) zatražiti dostavu dodatne dokumentacije.
- (3) Ukoliko inicijativa ne bude podnesena u skladu sa odredbama člana 2. ovog Pravilnika neće se uzeti u razmatranje.

Član 5.

- (1) Komisija za obrazovanje, kulturu i kulturno - historijsko naslijeđe utvrđuje prijedlog zaključka kojim daje mišljenje da li su ispunjeni uslovi za davanje ili izmjenu naziva iz člana 1. ovog Pravilnika i isti dostavlja Općinskom vijeću na razmatranje i utvrđivanje konačnog mišljenja.
- (2) Nakon donošenja konačnog mišljenja u formi zaključka od strane Općinskog vijeća, isto se dostavlja nadležnoj Komisiji za obilježavanje, čuvanje i njegovanje historijskih događaja i ličnosti Skupštine Kantona Sarajevo, odnosno drugom organu, na dalju nadležnost.
- (3) Naziv dodijeljen ili izmijenjen, u skladu sa odredbama ovoga Pravilnika, ne može biti ponovo mijenjan najmanje 10 godina, od dana davanja ili izmjene.

Član 5.

Ovaj Pravilnik stupa na snagu osmi dan od objavljivanja u "Službenim novinama Kantona Sarajevo".

Broj 02-49-44/16 Januara 2016. godine Sarajevo	Predsjedavajući Općinskog vijeća Stari Grad Sarajevo Vedran Dodik, s. r.
--	---

Podnosilac inicijative

Adresa prebivališta / sjedište

Broj telefona

OPĆINA STARI GRAD SARAJEVO  
Komisija za obrazovanje, kulturu i kulturno historijsko naslijeđe

**INICIJATIVA ZA DAVANJE/IZMJENU NAZIVA**

ulica, trgova, parkova, mostova, institucija, ustanova, naselja i naseljenih mjesta na području  
Općine Stari Grad Sarajevo

<b>Postojeći naziv (ukoliko postoji)</b>	
<b>Prijedlog za novi naziv/izmjenu naziva:</b>	
<b>Broj stanovnika i domaćinstava (ukoliko se radi o nazivu ulice)</b>	
<b>Obrazloženje – razlog za davanje/izmjenu naziva</b>	
<b>Historijski podaci (treba da sadrži minimalno jedan od dole propisanih kriterija)</b>	
<b>Izvori podataka:</b>	

**Kriteriji za davanje/izmjenu naziva ulice određuju se po:**

- Geografskim pojmovima (npr. ime po gradu, rijeci, toponimima sl.)
- Datumima vezanim za značajne događaje iz historije BiH.
- Imenima osoba koje su dale značajan doprinos u historiji BiH
- Imenima formacija, šehida i poginulih boraca iz odbrambeno-oslobodilačkog rata 1992-1995 (dobitnici najvećih ratnih priznanja)
- Imenima osoba koje su dale svoj doprinos u kulturnom, privrednom, društvenom, sportskom i naučnom razvoju BiH- osvojene nagrade
- Prema historijskom, ranijem nazivu

**Prilog:**

- Originalna ili ovjerena fotokopija dokumentacije
- Spisak 100 punoljetnih građana iz ulice čiji se naziv mijenja sa potpisima koji podržavaju inicijativu odnosno nadpolovična većina građana u ulicama sa manjim brojem stanovnika (ukoliko se predlaže davanje ili izmjena naziva ulice)

\_\_\_\_\_  
/Podnosilac/